



Broj: 03-45-1-1009/23
Maglaj, 13.06.2023.godine

OPĆINSKO VIJEĆE MAGLAJ

FEDERACIJA BOSNE I HERCEGOVINA
OPĆINA MAGLAJ
Služba za boračko-invalidsku i socijalnu zaštitu
opću upravu i društvene djelatnosti

PRIMLJENO	14.06.2023.		
Org. jedinica	Klasif. oznaka	Redni broj	Broj priloga
		4453	

Predmet: Prijedlog Kriterija za dodjelu studentskih stipendija iz Budžeta Općine Maglaj za akademsku 2022/2023. godinu

Budžetom Općine Maglaj za 2023. godinu i Odlukom o izvršenju Budžeta Općine Maglaj za 2023. godinu („Službene novine Općine Maglaj“, broj: 13/22) planirana su sredstva za dodjelu stipendija redovnim studentima prvog i drugog ciklusa studija sa područja općine Maglaj.

Shodno navedenom, u prilogu dostavljam „Prijedlog Kriterija za dodjelu stipendija redovnim studentima prvog i drugog ciklusa studija sa područja općine Maglaj za akademsku 2022/2023. godinu“ na usvajanje.

S obzirom da Ministarstvo za obrazovanje, nauku, kulturu i sport Zeničko-dobojskog kantona još nije okončalo aktivnosti vezane za studentske stipendije redovnim studentima prvog i drugog ciklusa studija sa prebivalištem na području Zeničko-dobojskog kantona za akademsku 2022/2023. godinu, predlažemo da jedan od Zaključaka Općinskog vijeća Maglaj bude:

“Da se Konkurs za dodjelu studentskih stipendija redovnim studentima prvog i drugog ciklusa studija sa područja općine Maglaj za akademsku 2022/2023. godinu, objavi nakon što Ministarstvo za obrazovanje, nauku, kulturu i sport Zeničko-dobojskog kantona donese Konačnu listu i okonča svoje aktivnosti.”

Obrađivač: Služba za boračko-invalidsku
i socijalnu zaštitu, opću upravu i
društvene djelatnosti

DOSTAVLJENO:

1. Naslovu,
2. Arhiva.



OPĆINSKI NAČELNIK

Mirsad Mahmutagić



PRIJEDLOG

Na osnovu člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08), Budžeta Općine Maglaj za 2023.godinu i Odluke o izvršenju Budžeta Općine Maglaj za 2023.godinu („Službene novine Općine Maglaj“, broj: 13/22), na prijedlog Općinskog načelnika Maglaj, Općinsko vijeće Maglaj na sjednici održanoj _____2023. godine, d o n o s i

KRITERIJE

za dodjelu stipendija redovnim studentima I i II ciklusa studija
sa područja općine Maglaj za akademsku 2022/2023. godinu

I

Iz Budžeta općine Maglaj za 2023. godinu dodjeljuju se stipendije redovnim studentima I i II ciklusa studija s prebivalištem na području općine Maglaj, koji ispunjavaju uvjete utvrđene ovim Kriterijima.

II

Stipendija može biti dodijeljena studentima koji ispunjavaju slijedeće uvjete:

- da imaju prebivalište na području općine Maglaj,
- da su redovni studenti I i II ciklusa studija na javnim visokoškolskim ustanovama u Bosni i Hercegovini,
- da u akademskoj 2022/2023. godini ne koriste stipendiju ili studentski kredit od nekog drugog subjekta.

Pravo na dodjelu stipendija NEMAJU studenti:

- koji obnavljaju godinu studija na istom ili drugom fakultetu,
- koji su u statusu apsolventa,
- koji studiraju na privatnim visokoškolskim ustanovama,
- koji studiraju izvan Bosne i Hercegovine.

III

Studentske stipendije se dodjeljuju za akademsku 2022/2023. godinu, a visina je utvrđena Odlukom o dodjeli studentskih stipendija redovnim studentima I i II ciklusa studija sa područja općine Maglaj za akademsku 2022/2023. godinu.

Općinski načelnik Maglaj će nakon prethodno provedenih konsultacija sa privrednim subjektima i institucijama utvrditi i opredjeliti strukturu deficitarnih zanimanja.

IV

Visina studentskih stipendija će biti utvrđena shodno prijavljenom broju studenata koji ispunjavaju uvjete Konkursa, uz konsultacije sa nadležnom komisijom Općinskog vijeća Maglaj, uz saglasnost Općinskog načelnika Maglaj. Prijedlog liste kandidata za dodjelu stipendija utvrđuje se na osnovu ostvarenih bodova po sljedećim Kriterijima:

Opći uspjeh u prethodnom školovanju za studente **prve** godine određuje se uzimajući u obzir opći uspjeh u posljednje četiri godine obrazovanja u srednjoj školi, a boduje se kako slijedi:

Prosječna ocjena 4,50 – 5,00	180 bodova
Prosječna ocjena 3,50 – 4,49	140 bodova
Prosječna ocjena 2,50 – 3,49	100 bodova
Prosječna ocjena 2,00 - 2,49	60 bodova

Opći uspjeh u prethodnom školovanju za studente **viših** godina, određuje se uzimajući u obzir ocjene svih položenih ispita (za studente II ciklusa ovjeren prosjek i ocjena iz I ciklusa) i položeni ispiti u 2021/2022. akademskoj godini, a boduje se kako slijedi:

Prosječna ocjena 9,00 – 10,00	180 bodova
Prosječna ocjena 8,00 – 8,99	160 bodova
Prosječna ocjena 7,00 – 7,99	120 bodova
Prosječna ocjena 6,00 – 6,99	80 bodova

Studenti deficitarnih zanimanja i učenici generacija za I godinu odmah ostvaruju 200 bodova, čime ostvaruju prednost u odnosu na ostale studente.

STUDENTI SA ISTIM BROJEM BODOVA

Za slučaj da se prilikom bodovanja pojavi više studenata sa istim brojem bodova, odlučujući kriterij za dodjelu stipendije bit će prosjek ocjena, u smislu hronološkog upisa na preliminarnim/ konačnim listama.

V

1. Općinski načelnik Maglaj raspisuje konkurs i objavljuje putem lokalnog medija, te na oglasnoj ploči i internet stranici Općine Maglaj.
2. Prijave na konkurs kandidati dostavljaju Službi za boračko-invalidsku i socijalnu zaštitu, opću upravu i društvene djelatnosti Općine Maglaj, sa naznakom „Komisija za dodjelu općinskih studentskih stipendija“.
3. Komisija za dodjelu stipendija, imenovana rješenjem Općinskog načelnika Maglaj, provodi propisanu proceduru i utvrđuje prijedlog rang-liste koji dostavlja Komisiji za obrazovanje, nauku, kulturu i sport Općinskog vijeća Maglaj i Općinskom načelniku Maglaj.
4. Nakon dostave mišljenja Općinskog načelnika i Komisije za obrazovanje, nauku, kulturu i sport Općinskog vijeća Maglaj, rang lista za dodjelu stipendija objavljuje se na oglasnoj ploči i internet stranici Općine Maglaj.

Eventualne žalbe na rang-listu podnose se Komisiji za obrazovanje, nauku, kulturu i sport Općinskog vijeća Maglaj putem pisarnice Općine Maglaj ili pošte u roku od 8 (osam) dana od dana njenog objavljivanja na oglasnoj ploči i internet stranici Općine Maglaj.

Komisija za obrazovanje, nauku, kulturu i sport Općinskog vijeća Maglaj je dužna u roku od 8 (osam) dana razmotriti žalbe, te nakon toga utvrditi i objaviti na oglasnoj ploči i internet stranici Općine Maglaj konačan spisak studenata kojima se dodjeljuje općinska stipendija.

VI

Isplatu stipendija vršit će nadležne općinske službe putem tekućeg računa studenta, a u skladu s dinamikom punjenja Budžeta Općine Maglaj.

Broj:
Maglaj,

PREDSJEDAVAJUĆA
Svjetlana Zamboni